

中華民國十年五月二十六日至三十一日

第三十期

中華民國郵政特種無記號為新聞紙類

勸學所

湖南政報

(印代局刷印章吟沙長)

價目

(三六二四)
本報每月每份大洋八角
外埠每月每份另加郵費二角
每冊零售一角四分

湖南省長公署發行

目錄

總務

省長委任鄒序輝爲常德縣知事由

省長委任劉其達爲桃源縣知事由

內務

省長指令常甯縣知事謝國圻呈費徵收五峒鄉竹木紙捐簡章請核示由

省長指令岳陽救生局呈請照發積款備抵由

省長訓令桃源知事案准省議會函稱本會議員石清泉函報在桃源市被劫仰該知事認真辦理由

省長咨覆省議會文

省長覆諭秉正先生電

省長致辰州李道尹電

省長致常德蔡鍾守使
楊肇廳長唐知事 桃源曾知事 陳知事 漢壽劉知事電

省長咨省議會文

省長致武岡吳知事電

省長咨總司令部文

省長指令湖南交涉員仇鰲呈請咨總部指示岳州一帶航路檢查辦法免礙約章由

省長咨總司令部文

省長批長沙坡子街各團呈請緩折坐牌由

省長訓令

長沙市政公所
省會警察廳長案

據坡子街各團呈請緩折坐牌仰該

總理
廳長

遵照會議具覆核奪由

省長致各縣知事電

省長咨覆省議會文

省長指令

市政公所總理黃一歐
警察廳廳長陳煥南

會呈擬將長沙三學宮闢作公園請核示由

省長咨覆省議會文

省長批益陽公民周學超等呈省議會議員兼職請咨議決由

省長通令各縣知事流通穀米電

教育

省長指令常德知事陳振東呈爲縣立第一高小校第十五十六兩班修業期滿請准舉行畢業試驗由

省長指令零陵縣知事譚季鵬呈爲勸學所長劉韞玉辭職請將道視學鄧樹人改委接充由

省長委令鄧樹人爲零陵縣勸學所所長由

省長批新甯商會會長范席楷等呈據商民吉順和等請取銷學捐由

省長指令工業專門學校校長呈請委員調查岳麓歲修公屋以重主權由

省長指令茶陵縣知事呈轉勸學辦事細則請核示由附錄勸學辦事細則

省長指令東安縣議會議長張景灝呈賣書表仍懇取銷勸學所新加田賦附加由

省長訓令東安縣知事據該縣議會呈賣書表仍懇取銷勸學所新加田賦附加仰該知事遵照由

省長指令令湘岸權運總局局長胡學紳會呈擬具劃撥教育經費數及撥交手續請立案由

省長訓令省教育經費保管委員會查劃分鹽款爲教育經費業經規定劃撥仰該會支款查照預算由

實業

省長指令農事試驗場場長歐陽藩呈爲擇定場址請委員勘驗以便訂立契約由

省長指令財政廳呈覆核議寶華玻璃工廠出品應准暫免釐金期限由

省長指令鑛務總局呈報設立白鉛西法鍊廠籌備處情形由

省長訓令湘潭知事據該縣大明電燈公司股東劉自修等呈爲違法侵權懇請查辦仰該知事查復由

省長指令財政廳呈甯鄉清溪煤礦擬請撥歸造幣廠購用由

省長訓令造幣廠據財政廳呈甯鄉清溪煤礦擬請撥歸造幣廠購用仰該廠公司知照由

省長訓令寶華玻璃工廠該廠出品前請援案免釐當經令行財政廳核覆在案仰該工廠遵照由

省長指令茶業講習所羅樹偉呈請將原有所址設立研究所由

省長指令衡山知事鍾起宇呈覆勘估衡岳森林局修置概算案由

省長訓令安化知事據該縣代表劉桂生等電稱張錫圭冒稱工會委員勒索等情仰即查辦具覆由

省長訓令湖南中華工會據安化工人代表劉桂生等電稱該縣分會張錫圭強迫勒索仰該會查覆由

省長指令沅江縣農會會長王道呈請發還熙和歲餘畝交會興辦實業由

財政

省長指令石門釐局局長周丕鍾呈送十年三月收支報告書由

省長指令宜臨粵鹽榷稅局正辦首惟一呈送九年十一月至十年三月收支報告書由

省長指令石門縣知事趙恆默據情請免田賦逾限加息由

省長指令桑植縣知事楊槐三呈送十年三月報告計算各書表由

省長指令長沙知事皮大猷呈爲二成存餉無欵發給擬填發印券照准由

省長訓令財政廳據長沙皮知事呈爲二成存餉無款發給擬填發印券照准仰該廳長知照由

省長訓令財政廳長楊丙呈爲增鑄銅元製造銀幣着即妥爲籌畫呈候核奪由

省長指令益陽知事周明遠轉呈縣議會咨請寬限田賦加息由

省長指令湘潭知事羅崇論呈准縣議會咨請擬抽鹽捐附加作自治經費由

省長指令駐益小淹茶釐局局長唐德隆呈送十年三月收支報告書由

司法

湖南省長公署佈告附文官懲戒暫行條例

湖南高等審判廳_{民刑}庭公開審理日時通告

附錄

外交部來件

總務

湖南省長公署委任令

令署理常德縣知事鄒序輝

爲令委事案照常德縣知事陳振東調省另候差委道缺查有鄒序輝堪以署理除分行外爲此令委仰該知事即便遵照尅日馳赴常德接印視事仍將到任日期暨接收交代情形連同履歷具報備查此令

趙恒恩

中華民國十年五月二十六日

湖南省長公署委任令

令署理桃源縣知事劉其達

爲令委事案照桃源縣知事曾曙曦調省遺缺查有劉其達堪以署理除分行外爲此令委仰該知事即便遵照尅日馳赴桃源縣接印視事仍將到任日期暨接收交代情形連同履歷具報備查此令

趙恒恩

中華民國十年五月二十六日



內務

湖南省長公署指令

令常寧縣知事謝國圻

呈費徵收五峒鄉竹木紙捐簡章請核示由

呈及簡章聯單均悉查核尚無不合惟在港子口設處徵收距該鄉團局鷺遠保護已慮難周且上游支河甚多各鄉木竹勢必由該處經過按物徵稅難免不涉牽混致起爭端仰即將徵收處改設五峒鄉境內以資便利而免紛擾仍將遵辦情形具報備查此令

計發還簡章一份

趙恒恩

中華民國十年五月十日

湖南省長公署指令

令岳陽救生局

呈請照發積款備抵由

呈悉據稱困難各情當屬實在惟目前庫帑奇絀所有民國九年六月以前積欠軍政各費應俟通盤計算籌有的款項案核發該局事同一律所請暫毋庸議仰即知照此令

趙恒恩

中華民國十年五月十日

湖南省長公署訓令

令桃源縣知事

第

三

十

期

爲令行事業案准湖南省議會函稱案准本會議員石清泉函稱客贓清泉在桃源市被刦一事已陸續函報諒在洞鑒勿庸重敍茲奉召赴會便道到桃源縣曾知事面云清泉被搶一案業將通匪水手張和祥、張和美等嚴訊供出搶犯數人贓物藏在常德謝三哥茶樓內與所呈一切情形相符現已經水落石出只有追贓拿匪而已勸清泉刻日赴省不必等候云云伏思自去歲臘月二十四夜被搶二十六呈報迄今二月有餘所控和祥引來監視清泉謝教練之護兵二人與客商江世周引來之謝三哥尙未到案且將船戶張家榮與世周釋回僅拘和祥等訊押旣云訊明又未實行追贓緝匪劫搶重案敷衍如此他事不堪問矣清泉此次來省沿途調查現在來往客商經過桃源非請兵士護送仍難脫險又查桃源爲辰永沅靖及川黔兩省客商必由之水道四處盜匪聚集於此日同兵販賣烟土夜則乘划行竊間有告發卽藉兵士爲護符以故縣知事遇案敷衍了事此等惡風若不早除客商受害靡旣懇祈咨請政府嚴飭桃源縣將清泉所控一切人犯緝拿到案認真懲辦並責成賠償損失與嚴令駐防軍隊沿途切實保護上下來往客商無任感戴等由到會前經鈔函附陳總司令部查辦在案現據石議員在大會報告桃源知事對於此案敷衍不辦請再函請政府轉飭桃源縣嚴辦等語業經多數贊同相應備函貴省長請煩查照嚴飭施行等因准此除咨復外合行令仰該知事即便查照來咨事理分別認真嚴辦毋任玩延仍

將違辦情形報查此令

趙恒愚

中華民國十年五月十一日

湖南省長公署咨覆省議會文

爲咨覆事案准

貴會函開請令飭桃源縣知事嚴辦搶刦石議員盜匪一案等因准此除令行桃源縣知事查照來咨事理分別認真嚴辦毋任玩延外相應咨覆

貴會煩爲查照此咨

湖南省議會

趙恒愚

中華民國十年五月十一日

覆熊秉三先生電

北京熊秉三先生鑒微電奉悉湘省荒情遠勞廑注極佩熱忱承示速籌平糶刻正分途趕辦惟庫帑空虛挹注爲艱我公擔任籌欵義槩仁粟利賴實多謹代災黎虔抒謝悃此間擬遴派正紳專任備荒事宜如荷懇籌有的款卽希隨時匯寄俾便通籌是所盼禱趙恒愚印

辰州李道尹電

第

三

十

辰州李道尹鑒陽電悉辰沅各屬米價昂貴荒象顯呈至深憫惻該道尹集紳籌款分赴常桃漢壽一帶採運谷米自是備荒要圖前據陳司令渠珍電陳常德閉糴業經電令取銷米禁茲據前情准分令常漢文武長官飭屬一體保護以維民食趙恒恩印

致常總

楊鎮守使
楊警察廳長
唐旅長
陳知事
漢壽縣知事
電

常德祭鎮守使唐旅長楊警察廳長陳知事桃源曾知事漢壽劉知事均鑒據辰沅李道尹陽電略稱辰沅各屬米價昂貴紳商籌款分赴常桃漢壽採運谷米請分令各該文武長官一體保護等情查湘西各屬米價陡漲荒象顯呈自應妥籌平糶藉資接濟前據陳司令渠珍電呈常德閉糴商家採運之米盡被封阻當經電令取消米禁茲據前情仰即遵照轉飭所屬如有辰沅永各屬紳商到境採辦谷米應即妥為保護查照放行事關救荒萬毋違誤仍將辦理情形具覆備查恆恩印

省長咨省議會文

為咨復事案准

貴會咨開本會第七次臨時會於五月一日期滿業經依法閉會並咨請查照在案惟查前准貴省長咨交及提議請願各案皆係緊要事件尙有未經完結者現因本會議員半數以上之請求相應備咨貴省長請煩依法召集第八次臨時會即希查照見復施行此咨等因到署相應查照省議會暫行法第二十二條之規定准於五月十日召集第八次臨時會議請煩

貴會查照施行此咨

趙恒恩

中華民國十年五月七日

致武岡知事電

武岡吳知事並轉縣議會暨各機關均鑒該縣議會虞電悉省倉存穀無多礙難照撥據稱趕辦平糶減少消耗均屬正辦着卽積極進行該縣毗鄰寶慶休戚相關毋得藉詞遏糴轉妨民食趙恒恩印寒

湖南省長公署咨湖南總司令部文

爲咨覆事案准

貴部咨開爲咨行事案據本部參謀程震霆呈稱爲呈請事竊軍用圖書印刷局承印各種軍用書籍現已開始印刷惟局中迭經停頓印刷器具損失甚多而鉛字尚不充足難於周轉從新購置必需巨資茲查前湯鄉銘所辦官書報局所有鉛字及印刷器具現歸省公署教育科封存於舊學院衙門內置若廢物擬請撥借以資應用俟印刷告竣即行繳還如有損失照價賠補理合備文呈請鈎座鑒核轉咨省長公署撥借施行實爲公便等情據此除指令呈悉准予咨行省長公署查照辦理此令印發外相應咨請貴署煩即查照辦理等因准此查圖書編譯處關係文化至爲重要當茲教育趨機日新月異各學校需用之圖書非隨時更正不足以適合新教育之潮流敝署爲促進文化起見正擬籌辦圖書編譯處搜集中外關於新教育之圖書陸續編譯付印以爲各學校圖書改良之準備所有前官書報局與官紙印刷

局之鉛字及各種印刷機器亟須應用來咨所稱各節實有礙難照辦之處茲准前因相應咨覆
貴部請頒

書照轉知為荷此答

湖南總司令部

趙恆恩

中華民國十年五月十四日

湖南省長公署指令

令湖南交涉員仇 驚

呈請咨總部指示岳州一帶航路檢查辦法免礙約章由

呈悉准咨

總司令部核覆飭遵此令

趙恆恩

中華民國十年五月十六日

湖南省長公署咨湖南總司令部文

爲咨行事案據湖南交涉員仇駑呈稱案奉鉤署內字第~~二~~四二號訓令准湖南總司令部咨轉據駐岳
陸軍第二師長呈請查照臨時戒嚴條例於航行岳州中外各輪船施行檢查以期慎重防務維持治

安咨請令行交涉署與海關稅司先行交涉藉免誤會行令違辦具覆以憑轉咨等因奉此遵查軍隊檢查外輪准駐湘日美兩領事申明約章先後來函抗議並准岳州關稅務司迭函報前來均經職署陸續呈奉總司令部諭字第三四七號暨諭字第三六一號指令以既據日領及岳關稅司聲稱於條約不合已令戒嚴司令查照制止又謂軍隊檢查外輪一事迭據外人抗議既於條約有礙應予變通辦理候令行戒嚴司令及第一二師嗣後對於外輪祇於停輪時就旅客上下船時施行檢查毋庸登船行檢

以免交涉各等因奉經查照辦理各在案茲奉前因查魯師長呈請對於中外行輪施行檢查按諸戒嚴條例之揭載既有必要之措施茲慎重防務之時期自屬當然之職責惟事關檢查外輪既准外領迭函抗議於前復經呈奉總司令部兩次令行於後此次魯師長檢查行輪辦法是否係遵照總司令部諭字第三六一號令文祇就旅客上下船時施行檢查覆核魯師長具呈總司令部原文略而未及理合聲明原案具文呈請旨署轉咨總司令部指示辦法庶免有礙約章重滋口實職署爲遵重總司令部令文並慎防交涉起見是否有當伏候核示祇遵謹呈等情到署相應咨請
貴部查核覈覆以便轉飭遵照此咨

湖南總司令部

趙恒恩

中華民國十年五月十六日

湖南省長題示

批長沙坡子街各團呈請緩折坐牌由

呈悉據稱省城迭經政變商業凋殘自屬實在此次折卸坐牌自當體察情形分別藉理藉恤商艱仰候令行長沙市政公所會同省會警察廳詳議具覆再行核辦可也此批

中華民國十年五月十六日

湖南省長公署訓令

長沙市政公所總理黃一歌
省會警察廳廳長陳煥南
令

爲令行事案據長沙坡子街各團呈稱呈爲市塵凋敝物力維艱公懇令飭從緩折卸坐牌以順輿情事竊爲治之道首貴因時以制宜而行政之方尤貴乘機而利導卽屬先務之急亦必行之以漸俾毋驚擾之虞斯人自樂從令而行而民不悖苟不審時度勢俯察民情一意孤行罕見其有濟也詎昨閱市政公所會同警察廳布告略謂長沙街衢狹隘有礙交通令各鋪戶折卸坐牌讓寬街道並蒙商會召集報告前由商民等聞命之餘莫名其妙駭比以整理街道固爲市政要圖然非今日兵燹後之長沙所宜急促舉行者也謹將下憇略爲省長陳之查吾湘反正以後十載於茲匪禍兵災訖無甯日蟲荒水旱時有所聞加以籌餉勸捐脂膏已盡流離轉徙滿目瘡痍受創之深筆難殫述雖省垣幸免糜爛而來源已竭生計影響同一艱難况籌借之竭澤而漁紙幣之迭遭損失眾索敝賦元氣久傷商務蕭條日趨險惡經營乏術救死不遑卽令我省長振導有方撫綏周至要非旦夕間所能恢復原狀是以目前一切要政因此而生停頓者實多若必遽於此時責以折卸坐牌微特財力實有不逮且事近創舉反響尤多甚有湫隘地

方現且嫌其太狹若將坐牌拆卸何以容身勢必轡轉非我省長與民休息保護安甯之至意不得已惟有據實陳明仰懇省長俯賜察核准予令飭該廳所從緩施行以順輿情商民等不勝感頤脾營之至謹呈等情據此除批呈悉據稱省城迭經政變商業凋殘自屬實在此次拆卸坐牌自當體察情形分別辦理藉恤商艱仰候令行長沙市政公所會同省會警察廳詳議具覆再行核辦可也此批據發外令仰該廳長總理卽便遵照會議具覆以憑核奪此令

趙恒恩

中華民國十年五月十六日

致各縣知事電

各縣知事鑒月來米價驟漲荒象顯呈各屬報荒請賑文電紛馳現距秩收期遠不急籌維來日愈難本月十四日給召集省內官紳特開備荒會議組設急賑會議籌備平糶放賑事宜刺正積極遂行惟各處情形不同非調查明確通盤籌畫不足以資調劑仰各該知事於電到十日內督飭團保將所屬城鄉公私倉儲穀米價值供給至接新時有無盈絀確切查明逐項詳報以便統籌一應善後事宜務即會商正紳分送安辦事關救荒毋稍玩延爲要趙恒恩印

省長咨覆省議會文

爲咨覆事案准

貴省咨開查本會因有特別緊要事件由議員過半數以上之請求前經咨請貴省長召集第八次臨時

會在案現已於五月十日午後一時開會議事相應備文咨報希為查照備案此咨等因到署查此案業經本會依照省議會暫行法第二十二條之規定定期召集第八次臨時會議咨請貴會查照施行在案茲准前因除備案外相應咨覆請煩

查照此咨

湖南省議會

中華民國十年五月十九日

湖南省長公署指令

趙恒忍

市政公所總理黃一誠
警察廳廳長陳炳南

會呈擬將長沙三學宮闢作公園請核示由

呈悉該總理廳長擬就長沙府及長善兩縣學宮闢置公園自係為謀市民公益起見仰會商長沙縣知事邀集紳董妥擬辦法呈署再行核奪此令

趙恒忍

中華民國十年五月十八日

省長咨覆省議會文

為咨覆事案准

貴會咨開爲咨請事案據桑植縣知事楊槐三寒電稱屬縣荒象已呈斗米賣至三串伏懸設法救濟俾免易子而食不勝迫切待命之至又據桑植縣教育會會長彭逸雲農會會長賀文常商會會長王烈昌等報郵代電內稱桑植屬稱山縣土地瘠磽常年所收尙難敷食乃去歲戰禍頻仍民流失所更值天災

流移寄學彌月高原坦土焦赤形呈秋收甫畢蓋藏已空自冬徂春哀鴻盈野縣無積倉鄰閑糶運斗米產千有奇無處購買蕨薇木卉掘採殆盡全縣三十餘萬人民壯者轉徙流離接踵於道老弱投河自縊時有所聞哀哀天災何代麌有致之往古未甚於斯貴會代表輿情遐邇被澤伏乞設法賑濟迅解倒懸俾桑邑人民均有再生之一日天高地厚惠溥無疆除將災情呈請趙總司令兼省長義賑會湘西平糴局設法惠賑外肅此電呈毋任翹企待命之至各等情到會均經提出大會報告僉謂該縣荒歉情實可矜應即轉請政府亟予救濟且湘西一帶如桑植之荒歉尙多而全湘各屬又已顯呈荒象尤應咨請政府統籌全局先事維持穀米已禁出關偷漏尤宜嚴辦案經大多數贊同爲此備咨貴省長請煩查照迅賜施行並希見覆爲荷等因准此查本年荒歉不僅桑植一屬迭據各縣呈報情形殊深軫念當經禁止糧食輸出派員嚴查偷漏并電令各該縣流通谷米不准阻遏以爲第一步辦法惟值此凋敝之餘倉儲匱乏杼柚皆空發棠移粟着手綦難昨爲統籌全局特組設湖南急賑會於公私積困之中妥籌急切救濟之法刻正日夜籌備積極進行總期青黃無虞哀歎咸輯准咨前因相應咨覆

貴會請煩查照爲荷此咨

湖南省議會

內務

十一

趙恒愚

中華民國十年五月十八日

湖南省長 趙示

批益陽公民周學超等呈省議會議員兼職請咨議決由

呈悉仰逕向省議會請駁核議可也此批

中華民國十年五月十九日

省長致各縣知事電

辰州李道尹各縣知事鑒邇來米價昂貴荒象顯呈各處請穀請賑文電交迫欲謀救濟先在流通各縣
穀米不准阻遏查向來劣習不論境內盈絀一遇糧貴輒行阻關縣與縣阻鄉與鄉阻甚至一村一姓亦
相阻禁瘠區苦於糧乏情或可原有餘之地意在封價自利置鄰境餓莩於不顧天良何忍且價益封有
糧者難益閑閑羅風潮日亟尤慮痞匪乘機煽動殊於地方秩序有妨除由本部署會商正紳組織備荒
會籌辦平糶分途賑撫並嚴禁民船火車運米出境暨將輪運限於五月二十一日實行阻禁外所有省
內穀米應責成各該知事督同團保設法流通不得稍有阻遏並不准囤積居奇致妨民食如有地痞藉
詞阻截立予從嚴懲處仰即速辦並佈告所屬紳民一體知悉爲要恒愚元印

教育

湖南省長公署指令

令常德縣知事陳振東

呈爲縣立第一高小校第十五班第十六班修業期滿請准舉行畢業試驗由
呈表均悉准予舉行畢業試驗仰該知事屆時派員前往監試可也表存此令

趙恆恩

中華民國十年五月十七日

湖南省長公署指令

令零陵縣知事譚季鵬

呈爲勸學所長劉韞玉辭職請將道縣視學鄧樹人改委接充由

呈及履歷均悉據稱該縣勸學所長劉韞玉辭職請將道縣視學鄧樹人改委接充等情查核該員資格
尙無不合准予照委應由該知事咨商道縣知事另擇公員接充視學一職委任令隨文附發仰即轉給
具領此令

計發委任令一件

趙恆恩

中華民國十年五月十七日

湖南省長公署委任令

令零陵縣勸學所所長鄧樹人

爲令行事據零陵縣知事譚季鵬呈爲勸學所長劉韞玉辭職請將道縣視學鄧樹人改委接充等情並
費履歷到署據此查核該員資格尙無不合除指令照准並由該知事咨商道縣知事另擇妥員接充視
學一職外合行令委該所長令到即便認真供職並將籌備強造教育各事項按期進行毋負委任此令

趙恒愚

中華民國十年五月十七日

湖南省長趙示

批新甯商會會長范席楷等呈據商民吉順和等請取銷學捐由

呈電均悉查湘省盜匪充斥原於人民知識缺乏能力薄弱本年度特令各縣籌備強迫教育以固民治
基礎惟茲事體大非款莫舉該縣前請抽收竹木紙張山貨等捐作爲學款本署以人民籌集地方經費
辦理地方學務事屬可行當經核准照辦在案該商民等自應羣策羣力共襄善舉所請取消學捐一節
應毋庸議仰即轉飭知照此批

中華民國十年五月十七日

湖南省長公署指令

令工業專門學校長賓步程

呈請委員調查岳麓歲修公屋以重主權由

呈悉准予派員會同該校澈底清查以重公產仰即知照此令

趙恆愚

中華民國十年五月十七日

湖南省長公署指令

令茶陵縣知事

呈轉勸學所辦事細則請核示由

呈賣均悉查細則所訂各條尚無不合應予備案仰即轉飭該所切實履行不得視為具文此令賣件存

趙恆愚

中華民國十年五月十七日

附錄茶陵縣勸學所辦事細則

第一條 本細則遵照民國五年部頒勸學所規程施行細則第十三條之規定規定之

第二條 本所置所長一人所員四人

第三條 所長總理所內事務除周歷各學區外應隨時計畫教育之改進事宜

第四條 所員分掌所內事務其科目如左之規定

(甲) 文牘科員一人常川駐所專司本所文件之擬修編輯紀錄收發保存事項

(乙) 廉務科員一人常川駐所經營本所收支款項編列預算決算及其他事項

(丙) 勸導科員二人專任周歷各區督促整理擴充調查及考察講演事項
第五條 本所辦理教育行政事宜所內人員應按照規定時間就席辦公以盡個人之天職庶免
上峯之指疵

第六條 辦公時間以午前八時起午後五時止但氣候變遷時得以更動之

第七條 本所人員在辦公時間概不見客但因公來訪者不在此例亦宜話畢即退毋得閒談致妨公務

第八條 所長周歷各區及其他關於所內之特別事件離所一星期以上時須指定勸學員代行職務並報經縣知事備查

第九條 本所人員凡因病請假過三星期或私事請假過二星期者須經縣知事認可

第十條 依勸學所施行細則第三條之規定每次周歷各區須按照職權內應辦事宜切實履行不得瞻徇敷衍

第十一條 本所職員周歷各區得會同該區學務委員隨同勸導並可向該員詳詢事由

第十二條 本所職員周歷各區得會同該區學務委員籌議各項教育整頓擴充辦法遇有關於會議時得列席發表意見

第十三條 本所職員周歷各區除將該處應辦事項與該處紳董商訂券約限期辦妥外並將親歷所得情形述為勸學日記彙呈縣知事查核

第十四條 本所職員周歷各區查有妨害學務進行婉詞勸導不加改悔者得據實呈請縣知事處理之

第十五條 本所職員周歷各區遇有關係教育上之爭端得就地持平處理其情節較重者呈報縣知事核奪

第十六條 本所職員關於解決紛爭及督促整理事項撥用公署警隊暨各保衛團團丁並得用通知單

依前項之規定通知單得蓋用勸學所或本員圖記以昭慎重

第十七條 本所職員周歷各區得駐宿學務機關督各學校但照常開餐毋得盛宴

第十八條 領活支二項照縣知事核准預算表支給並查照 部頒勸學所施行細則第八第九

兩條辦理

第十九條 本所書記由所員兼任遇公務繁雜時得臨時雇用

第二十條 本細則如有未盡事宜得由所長會同所員修正呈由縣知事核准轉呈省公署備案

湖南省長公署示

批東安縣議會議長張景濤呈賣書表仍懇取消勸學所新加田賦附加由

呈賣均悉據稱人民困苦情形自屬實在惟查核該會議決教育預算比較潘視學轉賣該縣勸學所預算相差甚鉅就收入一項而論勸學所計算之數連同田賦附加僅九千二百九十四串該會計算之數

除停收田賦附加五千串外尙有七千九百五十四串二百文各項雖有說明是否相符無由懸揣大概行政機關預算多將收入縮短支出增加議會預算適得其反此通病均應革除又查支出項下各項臨時費均經核減既據說明理由遇有特別修理之處可請保管處查勘辦理暫不列數尙無妨礙惟勸學所現正籌備義務教育縱因經費支絀薪水暫可照舊而辦公雜支旅費等項應即量爲增加免誤要政閱報社圖書館購置新出書報爲輸入文明之利器即照原數列入亦不爲多此外各校經常費近因物價昂貴預算標準本應略予增加如未擴充班次十年暫照議決數支取以節公帑各鄉國民學校旣無津貼成例俟財力稍紓再行補助亦無不合至各年度教育計畫較勸學所所擬各項情形周密殊堪嘉尚惟師範講習所須待十四年度始行設立誠恐現有師資調查未周數目未必確實供求或不相應縱與該會計算數目相符亦未必均能勝任此項講習所仍應及早籌設其餘所擬學區校數未據實地履勘能否按照實行未便臆測併候令縣參照潘視學券訂應辦各事督同勸學所切實規畫咨商辦理可也此批抄由發費件存

趙恒易

中華民國十年五月十九日

湖南省長公署訓令

令東安縣知事

爲今行事據東安縣議會議長張景濤呈爲遵批妥議并顧兼籌仍懇核准取消附加以蘇民因而利推

行事編職會前爲取消勸學所新加田賦附加一案奉鈞署教字第一七零六號批示查各縣強迫教育現正按期分別籌備自應遵照辦法第四條所列各項分別籌措不得藉口緩徵附加即將省議會議決強迫教育要案任意延宕嗣復奉教字第一九三五號批示該縣教育經費入不敷出者數達五千餘串重以本署頒布強迫教育辦法籌備實施在在需款設無接濟虧入更鉅果能按照前項辦法切實進行僅田賦一項學捐猶恐不敷若并此捐而取銷之其中困難情形更可想而知見仰仍遵照前批候令縣署咨送計劃書到會即行公議等因奉此仰見大府對於強迫教育諄諄致意至重且深然職會所以取銷附加之原理與夫維持教育之苦衷容有未蒙洞悉亮槩者今既遵批妥議不得不爲我省長覲縕陳之東安自桂軍南旋匪禍兵災相乘而起軍精抵借銜接而來合盤約計將近三十萬以彈丸下邑輸納之多幾倍大縣加以匪館蜂起劫掠纏紛遷徒流離損失更不知幾十萬重以團練及八鄉七十五段籌辦壯丁團特捐槍械捐月捐種種名目年亦約二十餘萬羅掘皆窮脂膏殆盡人民痛苦已達極端請局長席有見及此特於匪風稍息時將團練附加田賦項下減少五百以示體恤不意勸學所謬請移作學款是何異青島德方退還東瀛即謀佔據黃台四摘必至抱根瘠牛再剝必至削骨哀我災黎何以堪此此不忍不取消者一也查東安田賦舊額每兩完錢二千六百文今令陸續附加及農林券捐已增至六千有奇此再加各段壯丁團畝捐每畝三百四百至八百不等平均作四百計算約正供一兩又加至十千有奇此實各縣所無而亦東安從來所未有也是以未附加之前每歲正額常完至九成以上自去歲附加後忽減至六成若不稍示減輕恐今年完納之數必較去歲尤爲短縮愈欠愈多似於正供前途不無窒礙況

刻下軍糈緊迫存餉待給全恃人民速完以爲挹注此不得不取消者又一也民國以民意爲前提伏查沅陵永陽新化各縣公民等呈請附加而鈞署亦有如果出自人民公意尙屬可行及是否出自人民公意與夫該縣附加浮於正餉人民負擔太重一律取銷等批具見大府對於此項附加無一不趨重民意即職縣勸學所當呈請之始亦曾蒙示以事關加重人民負擔必須召集多數士紳開會議決詎料該所復假八鄉團總名義朦呈批准又不經知事公佈在案致使合縣士紳皆陷不知故職會提議取銷時人民相繼請願者計公民代表唐耿光郭驥德葉永躍夏光裕李綬榮張康瑛鄧顯昌唐企堯劉勇賢王召南周勉之席宏鉅黃金陵蔣瑞雲李湘墉陳享社夏之時易聲鈿席遠青蔣世雄蔣德官唐賓蔣拱辰等上書計百餘人司激意懇責望甚殷職會謬膺民選請命難辭顧念民瘼何忍恝置此輿情所趨不敢不取銷者又一也東安教育經費歷年共支五千餘串今歲該所預算書學校如故忽增至一萬有奇昨經職會審查該所故於收入項下巧爲隱縮於支出項下多方浮冒以故混稱不敷者達五千餘串其實依保管處舊額實入實出之數兩相比較可餘一千串有奇謹將修止書附呈便知底蘊夫當此民窮財盡之時取民一錢須求卽得一錢之用該所於固有學款尙如此浮濫將來於義務教育其何能濟况當朦請附加伊始旣未謀及擴充學務又未計劃到強迫教育徒朘吾民之脂膏盡加諸增薪糜費之用私情所在公理不容不可不取銷者又一也本此四端足以職會前日根據省議會不准提徵附加議案公決取消并非置強迫教育於不顧實於強迫教育別有維持之苦心在也蓋現在東安百姓殘黎急謀休養十年教訓尙乏學資必於民力去其繁苛而後乃輸將有自必於學款去其浮濫而後乃發展有餘不然

徒事一方面之完全置他方面於不顧鮮有不阻滯難行者故職會擬定義務教育計劃書將勸學所擬定者參照省案提出大會僉同討論詳加修改并酌量地方情形規定劃區籌備實施分期遞進經費一節如縣中各段祠產廟產會積以及迎神演戲之產無處不有若能一一照案提充化無益以作有益較諸田賦附加一途其功有倍卽或萬有不敷縣教育會去年已有按畝計捐之議案曾經數段實行儘可仿照否則俟團練收束之後民力稍裕再行設法多籌學款從事擴充未嘗不可何必乘此水深火熱之時務加此繁重附加使人民受層層之重累力實不支舉鼎絕臘事卽類此頃於本月四日復准縣公署轉到財政廳第九四八號訓令內開查閱呈稱係爲減輕人民負擔起見事屬可行自應准予照辦所有該縣田賦項下附加學款五百文應卽停止徵收合行令仰該知事卽便遵照辦理並轉該議會知照此令等訓職會遵卽通知人民所有違批妥議並奉財政廳令准停止徵收各緣由理合備文連同編製義務教育計劃書並勸學所計劃原書及修正勸學所預算表人民請願取銷附加書各繕一份合併呈悉鈞座鑒核等情據此除批呈費均悉 同前此批鈔由印發外合行令仰該知事卽便遵照此令

趙恒恩

中華民國十年五月十九日

湖南省長公署指令

令 湘 岸 權 蓮 總 局 局 長 胡 學 紳
省 教 育 經 費 保 管 委 員 會 保 管 委 員 曹 直 球 等

會呈擬具劃撥教育經費數及撥交手續請立案由

呈贊聯單式樣均悉所擬暫定劃撥數目及撥交手續既經會議妥洽尙無不合應准立案仰即遵照辦理此令聯單式樣存

第

中華民國十年五月十九日

湖南省長公署訓令

趙恒惲

令省教育經費保管委員會

爲令行事業案查劃分鹽款爲省教育經費一案業經規定劃撥數目及撥交手續指令該會及榷運總局遵照辦理嗣後所有省立與首款補助各學校及其他教育機關經費外省外國留學經費并蠶桑蠶業茶葉三講習所經費凡屬教育事業之由省經費支給者自應統就劃撥數內開支以歸劃一如有不敷另由本署令行財政廳照數籌補合行令仰該會於按月支款時即便查照本署核定預算統計分配爲要此令

趙恒惲

中華民國十年五月十九日

十

期

實業

湖南省長公署指令

令農事試驗場場長歐陽藩

呈爲擇定場址請委員勘驗以便訂立契約由

兩呈均悉准由本署派員會同該場長前赴各擬購地點勘驗具覆再行核辦仰即知照此令

趙恒恩

中華民國十年五月十七日

湖南省長公署指令

令財政廳廳長楊丙

呈覆核議寶華玻璃工廠出品應准暫免釐金期限由

呈悉應准如呈辦理仰卽知照此令

趙恒恩

中華民國十年五月十七日

湖南省長公署指令

令鑛務總局

呈報設立白鉛西法鍊廠籌備處情形由

實業

呈悉據稱該局所轄水口山礦每年產鉛砂約三萬噸白鉛砂占十成之七歷年積存達十餘萬噸松柏土法鍊廠所鍊無多賤價售砂損失太鉅亟宜籌設西法白鉛鍊廠自行提鍊現在籌備處業已成立委任梁惠直爲處長陳先達爲副處長籌備進行并限期十個月建築完竣等情查該局白鉛砂有積未售已經損失鉅萬採用西法自鍊實屬根本救濟之圖應准如呈備案仰即轉飭該處擬具詳細計畫書費署核奪該總協理尤應極力督促務使依限建設完竣勿延爲要此令

趙恆景

中華民國十年五月十七日

湖南省長公署訓令

令湘潭縣知事

爲令行事案據湘潭大明電燈公司股東劉自修等呈稱呈爲違法侵權懇請查辦事緣湘潭大明電燈公司原號光明係於民國二年由吳作霖發起組織在十八總購地建築房屋設立電桿費數萬元規模粗具正擬開始營業適值湘省政變市面驚惶是以停辦至六年冬吳將公司基本移交黃中接辦復由黃經手集股繼續進行改號大明公司呈請農商部立案頒發執照所有民等各股份有由吳招入轉換大明股票者有由黃中填發大記光明公司實收尙未換股票者亦有由黃直接招來者當黃中呈請立案由縣署以至農商部均係完全華股並無外股外債檔案確查執照現存股東郭鹿生手確調不料去歲黃中走後有本公司僱員周漢春串通公司僱用日本技師馬場誠忽持出黃中四十餘萬日金借約期

牒請前省長譚給發護照藉保護權爲名一且反客爲主侵佔營業而周漢春因媚外得充經理遂至違背法令喪失華商主權民等聞知屢向公司清理周仗外人勢力致成尾大不掉去歲應行發息周擅登報停止不容股東過問竊思該公司立案額定資本二十五萬元概係華商集股何至借貸外款在黃中

不過經各股東推爲總理并無挪借洋款之權旣未經全體股東委託即屬私人債務與公司無關若謂以公司爲擔保品公司非黃中一人所有營業執照尙存非獨各股東不能承認前日人又何至受此空空抵押顯係周漢春乘黃中遠去兼值風雨飄搖與日人串同一氣僞造據約況以二十五萬元之有限公司借入四十萬鉅款不識作何用途該周漢春旣係黃中心腹又爲馬塲誠所利用必能知其底蘊且必有數可稽竊查公司條例股東有質問公司營業情形稽查賬簿之權又經理人之選任須得全體股東過半數取决今周漢春本無股東資格竟敢勾結外人執行業務按之條例實屬不合民等血本攸關理合呈懇鉤署察核賞令湘潭知事傳周漢春到案勒令交數清理以保主權而維法令公便德便等情據此除批仰候令行湘潭縣知事查明具復再行核辦可也此批掛發外合行令仰該知事切實查明周漢春究竟有無股東資格曾否私借外債逐一明白具覆以憑核辦事涉外交毋稍疏懈此令

趙恒恩

中華民國十年五月十七日

湖南省長公署指令

令財政廳廳長楊丙

呈甯鄉清溪煤礦擬請撥歸造幣廠購用由

據稱擬將甯鄉煤礦公司煤質撥歸造幣廠購用事屬可行准令行該公司及該廠知照此令

中華民國十年五月十八日

趙恒恩

湖南省長公署訓令

令造幣廠
寧鄉煤礦公司

爲令行事案據財政廳廳長楊丙呈稱案查甯鄉煤礦公司所採清溪煤礦原定官商合辦而資本則以裕湘銀行之款居多實爲一種重要官業前因該公司總理朱祖蔭已赴漢常經陳前廳長吳明譚前總司令擬仍電招朱祖蔭回湘繼續開辦以興實業而裕餉源並據朱祖蔭呈奉譚前省長令飭該公司經理員蔣隆權查辦具覆並批飭朱祖蔭將簿據契約等件送湘以憑清理在案是該公司所採煤質原屬官業自應由官廳處分庶足以昭詳慎擬請將該礦區所產之煤直接撥歸造幣廠購用以公濟公裨益實非淺鮮如蒙核准即悉分令甯鄉公司造幣廠查照辦理以仰副所座慎重官業之至意是否有當理合呈請鈎署查核示遵等情據此除指令呈悉據稱擬將甯鄉煤礦公司煤質撥歸造幣廠購用事屬可行准令行該公司及該廠知照此令印發外合行令仰該公司知照此令

趙恒恩

中華民國十年五月十八日

湖南省長公署訓令

令寶華玻璃工廠經理曹作鎮

案查該經理前以該工廠出品請予援案免釐等情具呈到署當經本署令行財政廳核議具覆在案茲據覆稱准予自民國十年六月一日起暫免本省釐金三年並懇令飭該工廠將運單式樣及商標各檢四十份費廳以便轉行各釐局稅關查照驗放等情據此除指令外合行令仰該工廠即便遵照此令

趙恒恩

中華民國十年五月十八日

湖南省長公署指令

令茶業講習所所長羅樹偉

呈請將原有所址設立研究所由

呈悉該所長擬將原有道鄉台所址開辦茶業研究所其第一二兩茶園作為試驗茶園招集茶業人材專研究茶業各種改良方法計畫未爲不是但值財政奇絀之時實屬無款撥付緣茶園收入可以稍資彌補亦屬得不償失之舉仰該所速遷安化將改良茶業一應計畫專心認真辦理庶茶業振興成效易覩所請將原有所址開辦研究所一節着無庸議此令

趙恒恩

中華民國十年五月十八日

湖南省長公署指令

令衡山縣知事鍾起宇

呈覆勘估衡岳森林局修置概算案由

呈悉據稱查勘估計該局長概算書之修繕購置各費四百九十餘元尙無浮濫等情仰即轉飭該局長補造概算書二份并請款憑單呈候令行財政廳核發可也此令概算書存

趙恒昌

中華民國十年五月十八日

湖南省長公署訓令

令安化縣知事王政詩

爲令行事案據該縣工人代表劉桂生鄧福興等眞代電稱竊桂生等手藝營生歷有年所近因縣屬兵災水患層見疊出紅茶錫鐵竹木紙張概無銷路商家多虧折倒閉農夫復收穫極歉以致手藝一途無人過問前月有湖南中華工會寶安益分會委員張錫圭率同辦事人員數十人到縣設立中華工會安化分會籌備處勸桂生等入會每人每年繳納會金洋二元桂生等深知該工會順世界之潮流應時勢之需要是應亟予贊成以圖工業發展奈地方困苦已達萬分工人生活尤爲窮促實無餘力擔負會金業經再三婉言謝絕現值春末夏初荒象險惡縣屬各鎮先後發起逃荒請照出境者已有百數十起該中華工會安化分會籌備處竟不諒時艱實行強迫入會以致各項工人紛紛歇業并絡繹派員分赴各

憲

商

政

鎮帶領衛兵多人皆紅領灰衣燈籠轎馬開辦分會羣情惶惑無知小民望風逃竄不敢工作又有無賴
痞徒從中冒混勒索光洋強搬器械鄉民憚於威嚇莫敢誰何非懇鉤座迅予維持則失業工人一家數
口坐待死亡特縷陳前情伏懇俯念桂生等飢荒迫切不任摧殘准予全飭湖南中華工會轉飭寶安益
分會速將安化分會籌備處撤銷以安地方秩序而全工人生活曷勝迫切待命之至等情據此查中華
工會前經造賣各縣分會職員名冊並無張錫圭其人工會應由工人自行組合尤不應強迫入會據該
代表等代電稱張錫圭實行強迫竟致工人歇業且有痞徒從中勒索等情如果屬實殊為不合除令行
中華工會自行查覆外合行令仰該知事卽便切實查拿究辦具覆此令

趙恒恩

中華民國十年五月十九日

湖南省長公署訓令

令湖南中華工會會長陳家鼐

案據安化縣工人代表劉桂生鄧福興等眞代電稱(同前)等情據此查該會之設原係為工人謀福利
據該民等所呈該分會各節如果非虛實屬有礙地方秩序且非該會長籌設該會之初衷卷查該會前
次造賣各縣分會職員名冊並無張錫圭其人是否該會職員被控情形是否屬實除令行安化縣知事
查拿究辦具覆外合行令仰該會長卽便自行查明具覆核奪此令

趙恒恩

中華民國十年五月十九日

湖南省長公署指令

令沅江縣農會會長王道

呈請發還熙和垸餘畝交會興辦實業由

呈悉查此案前據該縣譚知事呈請將熙和垸餘畝撥歸該縣農會本署以該縣農會尙未依法成立而農桑事業關係重要隨委龍臣虞前往籌設模範桑園以資提倡其時該縣民楊炳麟呈請以此項溢畝撥歸財產保管處管理本署比以人民照業之外溢畝餘荒當歸國有應由官廳處理批示仍由該專員經辦俟該縣農會正式成立後該會會長自可協同進行各在案茲因該園經費不敷歸併置桑講習所接管原期變通辦理以省公帑而收實效乃來呈一日所撥田畝爲該園霸管一日執照佃據爲該所誤收有意牽混殊爲不合又查該會章程於民國七年由該縣知事轉呈前來比經令飭遵照農會暫行規程詳加修改連同職員履歷清冊呈候核辦迄今未據遵行至去年十二月該會會員王介濬等以非法改選令撤銷等情呈控到署復經本署令行該縣知事查覆亦未據覆是該會尙未依法正式成立何得議及事業之進行仰該會仍遵照前令根據部章正式組織詳定章程連同職員履歷呈由該縣知事審核准再行酌奪所請暫毋庸議此令

趙恆恩

中華民國十年五月二十日

財政

湖南省長公署指令

令石門鹽局局長周丕鍾

呈送十年三月收支報告書由

呈書均悉准予備查惟該局報解稅款一俟取得金庫收據仍應將字號呈報備核至本月所收釐款既已如數撥解來書本月結存數上下兩欄又將解庫數重複併列殊為不合已由署代為更正仰併知照

此令書存

趙恒恩

中華民國十年五月十七日

湖南省長公署指令

令宜臨粵鹽榷稅局正辦首惟一

呈送九年十一月至十年三月收支報告書由

呈悉查核所臺報告書概未遵照原頒書式編造茲特補發書式及說明辦法連同原書發還仰即依式

更造刻日賣署以憑集核毋延此令

計發書式一本又發還收支報告書五本

趙恒恩

中華民國十年五月十七日

湖南省長公署指令

令石門縣知事趙恒默

據情請免田賦逾限加息由

呈悉查此項田賦加息辦法業經新任財政廳廳長呈准變通限期並飭由該廳令行各該縣知事遵照辦理在案仰卽知照此令

趙恒默

中華民國十年五月十七日

湖南省長公署指令

令桑植縣知事楊槐三

呈送十年三月報告計算各書表由

呈及書表均悉查各縣署徵收賦稅交代時須將收支款項文卷簿據等項詳細點收以昭慎重該前知事任內款項既未照章移交該知事當時率予接收殊屬疏忽但現在歷時未久不難逐項查明應由該知事遵照前令自九年十一月起按月查造再此次審到之報告書查核第一款所列數目照第一第二兩項細數合計應有洋二十六元七角七分七釐二毫四絲八忽來書祇列洋二十五元九角九分七釐五毫二絲八忽較少列洋七角七分九釐九毫二絲又縣署經費照章應按全月造報如遇有交替應將

單據等項交由接任彙報不得割裂分造該知事所費計算書表僅造一十六天亦與定章未合茲特檢齊各項書表一併發還着即遵照分別更造連同尙未造送之菸酒印花屠宰確稅司法收入各項報告

書一併造送查核毋稍玩延切切此令

計發還十年三月報告書計算書附屬表對照表各一份

趙恒懸

中華民國十年五月十七日

湖南省長公署指令

令長沙縣知事皮大猷

呈爲二成存餉無款發給擬填發印券照准由

呈件均悉該縣發給存餉無款應付擬填發印券准其完納新舊田賦以資結束尙屬可行應予照准除

令行財政廳外仰即知照此令券樣存

省長趙恒懸

中華民國十年五月十八日

湖南省長公署訓令

令湖南財政廳廳長楊丙

案據長沙縣知事皮大猷呈稱呈爲二成存餉尙未發足擬請填發印券以免拖累而資結束懇予察核

令達事案查縣屬各退伍員兵第一期二成存餉前因各員兵請領甚急職署徵存賦稅解撥殆盡儲款之法又緩不濟急當由知事呈請鈎署每名每張補發八元在案嗣因各外籍員兵以歸途之遠遠圖事實之便利或呈請總司令部令由職署墊發或呈由各軍長官函飭職署發給旬日以來應接不暇補發之款已至五萬有奇譬之無本之泉供千萬人之汲涸可立待其又何疑是以仰屋興嗟嘆瓶有恥不得已又牌示於本月九日起暫停發給惟是二成之數不能不如數發足即不能不設法籌措以達發足之目的查職縣本年田賦及歷年欠賦雖經知事三令五申多方追繳無如生計艱難民情疲玩計結至四月底止所有十年及歷年欠賦仍不下十萬明知嚴切追呼小民不堪其苦祇以存餉待發情急已若燃眉勢處兩難理求一是茲擬酌定變通辦法凡來領取二成存餉者除已發若干外其餘欠數一律填發印券此項印券准其完納新舊各年田賦該領款人並得將此項印券售與欠糧各戶令其來署投完庶幾民欠田賦不勞而畢收二成存餉亦因此而發足是否有當理合備文連同印券並存根式樣一紙呈請鈎署察核伏乞指令祇遵再縣屬各退伍員兵存餉存根冊未蒙總司令部頒發下縣加以外籍員兵存餉迭奉總司令部令由職縣發給究竟二成全數若干此時實難預計職縣賦稅有限將來如有不敷之處再行呈請設法辦理合併聲明等情據此除指令(同前)此令印發外合行令仰該廳長即便知照此令

省長 趙恒恩

中華民國十年五月十八日

湖南省長公署指令

令財政廳長楊丙

呈爲增鑄銅元製造銀幣着即妥爲籌畫呈候核奪由
呈書均悉查閱所呈各節尙屬可行仰即妥爲籌畫呈候核奪可也此令書存

恒恩

中華民國十年五月十八日

湖南省長公署指令

令益陽知事盧明遠

轉呈縣議會咨請寬限田賦加息由

悉查此項田賦加息辦法前據財政廳長呈請變通限期到署當經指令照准並飭由該廳轉行
實辦在案仰即轉函該縣議會知照此令

恒恩

中華民國十年五月十八日

湖南省長公署指令

令湘潭縣知事羅崇論

呈爲准縣議會咨請擬抽附加作日治經費由

呈悉該縣擬加鹽斤附捐作爲自治經費自係以公濟公惟鹽爲食品要需原有附捐甚重未便再行增加該縣自治經費如有不敷着由該知事設法另籌以資挹注可也此令

趙恆愚

中華民國十年五月十八日

湖南省長公署指令

令駐益小淹茶釐局局長唐德隆

呈送十年三月收支報告書由

呈書均悉准予備查惟繳解金庫數究竟何日解庫已否取有金庫某字號收據應即查明具覆備核此
令書存

趙恆愚

中華民國十年五月十八日

司法

湖南省長公署佈告

茲准省議會議決湖南文官懲戒暫行條例公布之此令

計開

湖南省文官懲戒暫行條例

第一章 總則

第一條 本省文官有左列行為之一者得依本條例懲戒之

一、違背職務

二、廢弛職務

三、有失官職上之威嚴或信用

第二條 本省文官之懲戒由本省文官懲戒委員會議決行之

第三條 同一事件在刑事訴訟實施中對於被付懲戒人不得開懲戒委員會
同一事件在懲戒委員會議決前對於被付懲戒人開始刑事訴訟時應暫停止懲戒委員會

第四條 同一行爲依刑事裁判宣告無罪或駁回公訴或免訴時仍得實施懲戒會議程序其依刑事
裁判宣告之刑不致喪失官職者亦同

第五條 懲戒委員會為懲戒之議決不得侵及刑事或民事法院之職權

第一章 懲戒處分

第六條 懲戒處分之種類如左

一、奪官

二、褫職

三、減俸

四、記過

五、訓飭

第七條 奪官與奪其現任之官永不任用

第八條 褫職與革其現任之職並停止其任用之期限一年以上六年以下

前項褫職人員於褫職後辦理其他公務有異常勞績滿二年以上者得撤銷其褫職處分

第九條 減俸期間為一月以上一年以下其額數為月俸十分之一以上二分之一以下

第十條 減俸由該管長官登記之受記過處分至三次者減俸一年以內至三次者褫職

第十一條 訓飭由省長以訓令行之

第二章 懲戒委員會

第十二條 懲戒委員會以委員長一人委員六人組成之

第十三條 懲戒委員長於左列各職中臨時選任之

一 政務廳長

二 高等審判廳長

三 高等檢察長

第十四條 懲戒委員由左列各職中臨時選任之

一 現任廳任以上各文官

二 現任司法官

第十五條 懲戒委員會非合委員長及委員四人以上列席不得開議如委員長認為重要時非委員

全體列席不得開議

懲戒會議以列席委員多數之同意決之可否同數時決於委員長

第十六條 委員長有事故不能列席時以首席委員代理之

第十七條 凡與懲戒事件有關係或其親屬有關係者不得選任為委員長或委員如被選任時應即聲請迴避

第十八條 懲戒委員會置事務長一人掌管預備會議一切事項事務員二人承事務長之命分掌記

錄及庶務事項

事務長由省長委派公署司法廳長兼任事務員由省長選選委任

第十九條 懲戒委員會爲繪寫文件得酌用屬員

第二十條 懲戒委員會自事務長以上不給津貼

第四章 懲戒程序

第二十一條 文官有第一條之行爲時除由省長逕交懲戒委員會審查外得由各該管長官呈請省長交付之

第二十二條 省議會對於各文官認爲有第一條之行爲時得咨由省長交付懲戒委員會審查

第二十三條 依前二條之規定交付審查時須據舉事實

二十四條 交付懲戒事件應由懲戒委員會將原有文件鈔交被付懲戒人並指定日期令其提出申辯書

第二十五條 戒懲委員會於接受懲戒事件後得指定委員二人以上調查之或委託懲戒事件發生地之司法官署或行政官署調查

第二十六條 懲戒委員會經過被付懲戒人申辯期間後應指定期日令被付懲戒人到會面加詢問

第二十七條 履行前條程序後懲戒委員會得爲懲戒之議決

被付懲戒人於指定期日內並不到會懲戒委員會亦得爲前項之議決

第二十八條 懲戒委員會爲懲戒之議決後應具懲戒議決報告書呈請省長依法定程序執行之

第五章 停止職務

第一十九條 省長或各該管長官於交付 之官吏認為情跡重大須受奪官 職處分者得命其停止職務

依前項規定停止職務者經 委員會議決報告並未受奪官 職處分者即命其復職

第三十條 依前條規定應行停止職務之官吏其職務上之行為均屬無效

附則

第三十一條 本條例自公布日施行

省長 趙恆勲

中華民國十年五月二十四日

湖南高等審判廳民庭公開審理案件日時通告

本廳民庭五月三十日午後一時公開審理案件如左

一黎伯森與黃江夏堂因開礦涉訟不服長沙地方審判廳第一審判決控告一案 (公開審理)

一唐篤慶與喻中連因墳山涉訟不服湘潭縣知事公署第一審判決控告一案 (公開審理)

本廳民庭五月三十一日午後一時公開審理案件如左

一周桂福與堵秋生因業價涉訟不服常德地方審判廳第一審判決控告一案 (公開審理)

本廳民庭六月一日午後一時公開審理案件如左

一 周昌師與王周昭貞因繼承涉訟不服長沙地方審判廳第一審判決控告一案 (公開審理)

本廳民庭六月二日午後一時公開審理案件如左

一 柳維屏與曠冠玉因債務涉訟不服衡山縣知事公署第一審判決控告一案 (公開審理)

一 何堯階與劉慎言因婚姻涉訟不服南縣知事公署第一審判決控告一案 (公開審理)

本廳民庭六月三日午後一時公開審理案件如左

一 陳琅函與歐陽元成因湖業涉訟不服常德地方審判廳第一審判決控告一案 (公開審理)

一 胡蔭堂與蕭若梅因墳山涉訟不服湘鄉縣知事公署第一審判決控告一案 (公開審理)

本廳民庭六月四日午後一時公開審理案件如左

一 龍世楷與常壽朋因買田涉訟不服湘陰縣知事公署第一審判決控告一案 (公開審理)

一 成仁浦與周新泉因墳山涉訟不服湘鄉縣知事公署第一審判決控告一案 (公開審理)

湖南高等審判廳刑庭公開審理案件日時通告

本廳刑庭五月三十日前十時公開審理案件如左

一 控告人高等檢察廳檢察官對於零陵知事公署就朱景柏傷害之所爲第一審判決不服控告一案

一 控告人朱錦池對於寶慶縣知事公署就朱振華等殺人之所爲第一審判決不服控告一案

一 控告人曾玉泉對於岳陽縣知事公署就梁理夥分贓物之所爲第一審判決不服控告一案

一 控告人劉超凡對於岳陽縣知事公署就該控告人詐欺取財之所爲第一審判決不服控告一案

一控告人李靖臣對於寶慶縣知事公署就該控告人和誘之所爲第一審判決不服控告一案

本廳刑庭五月三十日午前十時公開審理案件如左

一控告人李宏治對於祁陽縣知事公署就該控告人強盜之所爲第一審判決不服控告一案

一控告人關許氏對於常甯縣知事公署就關有權等仇殺之所爲第一審判決不服控告一案

一控告人蔣安珍對於湘潭縣知事公署就該控告人僞造之所爲第一審判決不服控告一案

本廳刑庭六月一日午前十時公開審理案件如左

一控告人顏復禮對於衡山縣知事公就該控告人誣告之所爲第一審判決不服控告一案

一控告人湖南郵務管理局對於茶陵縣知事公署就洪本樞侵占之所爲第一審判決不服控告一案

一控告人謝卓堂對於湘鄉縣知事公署就該控告人殺人之所爲第一審判決不服控告一案

本廳刑庭六月二日午前十時公開審理案件如左

一控告人何迪吉等對於永明縣知事公署就該控告人等殺人之所爲第一審判決不服控告一案

一控告人朱宜連對於道縣知事公署就熊俊貴等傷人致死之所爲第一審判決不服控告一案

一控告人高等檢察廳檢察官對於澧縣知事署就劉德成等強盜之所爲第一審判決不服控告一案

本廳民庭六月三日午前十時公開審理案件如左

一大理院發還更審瀏陽李大祿侵占一案

一控告人雷道濟對於東安縣知事公署就該控告人殺人之所爲第一審判決不服控告一案

- 一 控告人高等檢察廳檢察官對於東安知事公署就尹東卿強盜之所爲第一審判決不服控告一案
一 控告人楊先佑對於岳陽縣知事公署就賈連城和誘之所爲第一審判決不服控告一案
本廳民庭六月四日午前十時公開審理案件如左
- 一 控告人廖易成對於寶慶縣知事公署就該控告人重婚之所爲第一審判決不服控告一案
一 控告人張藻香對於益陽縣知事公署就郭怡福傷害之所爲第一審判決不服控告一案
一 控告人張藻香對於益陽縣知事公署就該控告人賭博之所爲第一審判決不服控告一案
一 控告人益陽詹迎祥對於瀏陽縣知事公署就該控告人賭博之所爲第一審判決不服控告一案

附錄

外交部來件

逕啟者查東西各國各部署於各項行政以及交涉案牘凡可以宣布於外者罔不分門別類編輯專書每歲刊行用備參考本部有鑒於此且因年來交涉愈益繁縝國民咸知注意而辦理交涉者根據條約而外兼須援引先例其於條約本部既將有清列朝起康熙迄宣統彙萃補纂先後重編而成案成例仍未及別輯專書不無缺憾茲特令部員纂輯民國以來關於外交法令章程並審慎選錄交涉成案編成外交年鑑一書大輅椎輪遇云完備嗣後廣續年出一編自當逐年修補由簡而密蔚足爲攷鏡之資或亦推廣知識有裨交涉之一端也相應將所編年鑑兩冊函請查收再此項年鑑出版除業經本部刊登五月五日政府公報廣告外並希通飭所屬各機關各縣知事如須購備此項書籍應即查照五月五日本部所登政府公報廣告辦法或直接向本部文書科圖書處購取或逕行向承售之各書肆購取可也此致

湖南督軍兼省長

附外交年鑑二冊

外交部啟五月十二日

